

13. oktober 2019

UKA2019/28

Inuussutissarsiutigalugu aalisarnikkut angallateeqqanik kvotegartussanik minnerpaaffiliinissami takissuseq 9 meter aallaavigalugu pitsaaqutinik ajoqutinillu nassuiaateqaqqullugit ukiuni 12 ikaarsaariarfeqartillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Henrik Fleischer. Siumut)

Siullermik Inatsisartunut ilaasortaq Henrik Fleischer qujaffigerusupparput pingaarutilerujussuarmik soqutiginaqqissaartumillu Inatsisartut aalajangiiffigisassaattut siunnersuuteqarmat, Siumumiillu ima ittumik oqaaseqarfigissuarput.

Una oqaluuserilingarput suliassaq annertulaartorujussuarmik kalluangassaqqarpoq pissutingalugu; nunatsinniit avammut niivernitsinni sinerissap qanittuani aalisakkat qallorneqartut annertunerpaartaannik tulaassuisut ulluinnarni atungaannut inuunerannullu attuumassuteqarmat, soppassuarnillu malitseqartussaalluni inuuniarnikkut minnerunngitsumillu isumannaallisaaanermut iluaqutaasussaalluni.

Tikikkusutara siulleq tassaavoq umiatsiaaqqat ukiuni makkunani atorneqartut piusinnaanerisa aammalu inuussutissarsiorfimmut akiuussinnaanerisa qanoq pissutsinut piviusunut naleqqutinngissusiat, pissutigalugu nalikillilerneqartarnerat ukiunut qulinooqpoq atuuffingisarpaalu sivisunerpaamik ukiut tallimat (umiatsiaq) aquuterallattaali ukiut marluk, tamakkuuppullu aamma aalisartunut pikkorissoppassuarnut aporfiliisartut akileraartarnikkut aattaat qaammaasaqariartulersunut ilaatigut makittakkuminaattumik ingerlariaqqinnissamut artukkiisinnaasarlutik.

Inuussutissarsiullu taanna ukioq kaajallallugu ingerlanneqartarpoq apeqqutaalluni imaatigut aalisarsinnaaneq ajornarsivinnersoq sikut apeqqutaallutik, qasseersutinngorneranut tunngaviuvoq ukiup sikua kiisalu sermip iingartartup aniatitai ukiup sikuanut sanilliullugit aamma imaannaanngitsorujussuusinnaasut, tamakkuuppullu aalisartut ulluinnarni nalaattangaat ukiullu ulluini nalinginnaalluinarlut kisiannili sillimaffigisariaqartut.

Isumannaallisaaaneq tикиneqassappat inuussutissarsiorfik sinerissap qanittuaniikkaluarluni umiatsiaaqqanik atuinermi nukinnik anertoorujussuamik pisariaqartsitsivoq taamatullu timimut nungullarnartuulluni minnerunngitsumillu silarlulersillugu aamma inuunermit navianartorsiortsitsisaqaluni, ajoqisumillu aalisartorpassuit inuunerat tassani killiffeqartarpoq. Immaqalu eqqartukkatta atuutsinneqalerneratigut aalisartut imarsiortullu allat inuunerminnik



annaasaqartartut ikinnerulersinneqarsinnaapput sillimaniarnerup piunasaqaatinngortinneratigut, imaatigut ajunaarsimasut eqqaaneqarnerat ataqqinartuuli.

Kvotegartussanik minnerpaaffiliinissamik 9 miiteri aallaavingalugu ukiunik isikkaneq marlunnik (12) ikaarsaariarfeqartillugit Siumumiik isumaqarpugut piffissaq sivisuallaarujussuartoq, ukiunillu tallimanik (5) ikaarsaariarfeqartariaqarpoq, kingunerisussaammagu umiatsiaaqqat 6 miiterimut killegartinneqartut annertusitinnerisigut isumannaallisaaneq aammalu aalisartumut atungassarititaasut oqinnerulernerat pisanullu aamma paarsiniarnerup ajornannginnerulerneru minnerunngitsumillu sulliviup annertusinera kingunerisussaallugu.

Umiatsiaaqqanik sinerissap qanituani aalisartut eqqasaatingalugit angissusillineq pulitikkikkut aaliangingaavoq imarsiornermi malitassanik tunuliaquteqanngittoq, taamaattumik aamma taakkua eqqarsaatigilluaqqunarput periarfissarititaasullu ajornartinngilaat nunatsinnut naleqqussarneqarsinnaanerit angallatinik ingerlatsisinnaanermut ilinniarsimassutsimut piunasaqaatit kiisalu angallatit angissusaat eqqarsaatingalugit.

Taamatut naattumik oqaaseqarluta siunnersuut Siumumiik tamakkiisumik tunuliaqutserlutigu aappassaaneeraneqannginerani Aalisarnermut Piniarnermut Nunalerinermullu ataatsimiititaliamut peqqissaartumik suliarineqartussanngorlugu innersuupparput.

Nikkulaat Jeremiassen, Siumut.